

I TRAÔ È DÛ, MA È BIÔ!

« Trâyè, vugnè, voeutâ, chaâ, châta », e vo ruerea proeu ounco ouna crapAi d'âtro mot po dère dèquyè r'è i noûtro sô di hla vey quyè n'on îta futu fûra du dzin curi ato Ôna ran'ma de foa e quyè dhè d'èna r'éy noj a dit: « Dabesquyè vo'ey pa u me féire chinquiè i coumanda, quyè vo'ey crouchey a poma du bèn et mâ, i terra porterè pas méy quyè de tsardon e de ranüi, e à vo fodrè choa che v'ui voj'aviandâ ».

Di adon, n'ën in frindu p[^]è vâe, e p'é vâeon, p'é roe, p'é tsâblo, enâ, bâ, oeutre, !encéy; n'ën in frustâ de s'oquyè, de botte, de yodze, de yoeudzoun, de féy di mou de bât, de bechatse, de berney, de fortse, de raté, de foeucele, de bârde, de marlën, de tsapèen, de rënche, de bamban'ne, po e traô di prâ, di tsan, d'a dzoeu, di vigne et de tote chôrte!

Menâ a droudze, féire a repâti, voagnè, herchyè, chapâ, comblâ, dejerbâ, dcombrâ, chéé, invoa, matsonnâ, etujyè, erdjyè, equoeurre, vannâ, mûdre, feire a chyâ, feire o pan, bayè i bitsche, aberâ, reprinde, remoâ, aryâ, ënhlorâ, battre a burri, féire a motta, potâ o choutéy, courâ o boeu, menâ o bou, rënchyè, tsaplâ, ëntetchyè; brecâ, feâ, rënfia, chin contâ tchui e cacha-tita de mejon, quy'e matte y an parch'o martchyâ.

Ora, pe râtô no chin guielâ muchyû! N'in de machyene por aâ mountâ, po chéé, po femâ, po etujyè, po rënchyè, tsaplâ, equoeurre; e fenne an pa méy qu'a veryè o boton por ecoà, po buiyâ, po féire o denâ; oun derey-t-i pa quyè n'in tornâ a troâ a hlâ de ché curti de pleyji avoe i bon Dyjü noj'aey metu?

- Ouèè! E d'âtre notte! E fenne de ôra châton to méy qu'an châta e grouche; ën plache de dou cou d'equoeua i fau to quyè traluijeche; ëen plache d'oun brontso crotchya p'o coumahlo, fau ître peoeu chuti po tini avoetchyâ quatro u cën pèye chu ché dzin forné qu'a pos de foa. E pe tote hlèj'ëyjance, i faut de centime, e de centime, fau e je gagnè. chin fé quy'e tsassu voajon tchui via quiri de aboeu p'e barradzo u p'é fabriquyè, e réy, ché i traô è min agnoeu, è to méy enéoeu.

Che quy'ire t'ô dzo a courre p'é vae coume voey, èt' ënhlou ëntre quatro morale hoat'oeure pè dzo, e donquyèdon o né, drey decoûte e grôche tenne avoe buiquyè i metâ; che quyè manéee a fortse y o secotô u choey du bon Djyü, ora hlogne e j'òè deyo d'âtro choey deyo e lampe, quyè chon i choey dij'hommo, e iyâ de frindre o assé p'o tsoeuderon, brasson ato de mostro frinjoeu de fey ché assé d'alumnion quyè fond à pachâ mée degre: ouna chorta de confiture di grejAe, ma âtramin dura à mûdre qu'il po!enta, di avoe chorterin de barre blantse e trancheyte.

Ire deperyui u p'é pra, troâe pas grand dzin po tini o coutéy;ire chôin er' mejon avo'a fenna e meynâ; e ora èt'avoe dou mée j'hommo quyè trâlon ënsimblo, e oun châ pas differinchyè ché quyè è bon eouri de che quyè châ tsouja féire, coume oun aï dederey recugnu che quyè poaë enordo a vigne de che quyè fajey rin quyè tsacotâ enotéyamin, e che quyè tigney de bée j'ermale de che qu'aey rin quyè de croè crûpe. E ota i châ pas méi moujâ por yui, i mouje coume tchui ej'âtro. I payjan èt inu oeuri.

Ouei toutoun pas d're quyè to tsandze et quyè tsouja meleyre. I traô chobre ouna bèa tsouja, dabesquyè no fé a meretâ o paradis. I to è de trayè d'oun bon cou, chin quyè choeuteche i pétro de véirre qu'oun âtre rousse méi quyè ché. Epouè, fau ch'anmâ e che idjyè e j'oun e j'âtro, coume dit Noutro Seignô: Portâ e âdzo e j'oun di j'âtro e dinche vo me pléire.

Tini vo ënsimblo po voj'ëmpondâ e voj'ëncoradjy e po être poeà coume e joestro, ma pas po bretschyè e crrAe i patron. Tini vo fiè, pas contre quâqu'oun ma avoe tchui, ën voj'ëncuignin quyè no chin tchui frare e quyè i bon Djuy e mô po tchui, e quyè i traô de tsacoun e fê por apprest'a hla bèa demindze chin fën, avoe y arè pas méi ni peine ni douô ni madjoè, avoe i bon Djyu méimo pan'nerè tote ej'egremme.

N'arin pas méi à igrâ, voeutâ, châtâ e dzemeyè, ma à utschyè, tsantâ, danchyè avo'éj' andze, tindjyu quyè chu a terra e noûtro meinâ no benéirin de ejëmplo quyè n'arin baya e de to chin quyè n'in fê por lou.

Che di Bôrne